

碧蘿吟館唱和詩詞

初集



832677

序

春雨初霽閉門閒然有踏吾旅寓而來者則餘姚朱學正少僊也學正歸已三年思之甚深念其重江間阻恐不能來卽能來無良友朋爲談詩之助亦恐不願來今忽然相遇一揖外亟問其何以來曰馬生古芸邀遊南湖也見學正已大喜藉學正高可以見古芸尤大喜次日訪古芸于曹氏園索詩讀之其自然流出若春雲之卷舒其妍麗動人若春花之坻苞豐約盡致卓然成家余不見古芸閱十六春秋矣耳其能詩不知其功之深邃如是因慙卽雕之木使未識古芸者知近來詩人

碧蘿吟管唱和詩詞序

一

復有誰某古芸之名益將大振于浙東西而古芸則曰吾詩何敢遽問世吾稍能詩友朋勗之也無已則輯今春與諸名士往來贈答之作先付諸梓吾得廁名其間是固平生所願遂乞學正爲編次屬咸熙序之夫友朋之樂偶然耳當其聚首時歌呼豪飲酣嬉淋漓酒邊鐙下剪燭呈其藝以爲不知是不足以爲知己乃或數日而散之四方矣或數年思其人且不得見矣惟存此篋中一二詩他日視之猶想見昔時歌呼豪飲酣嬉淋漓之狀甚或窮老空山雖有詩無從流播久之藁亦漸失幸賴此一二詩以傳然則古芸此舉其誼豈不厚歟抑

吾更有言者學正歡聚纔幾日卽有揚州之行不能常
常來古芸所著詩自宜亟請審定詩之傳不傳固有數
亦何妨自我彙刻以聽世之傳不傳也他日學正重至
碧蘿吟館僕亦擬擢舟而來與館中諸名士歌呼豪飲
酣嬉淋漓唱和集中又不知增詩幾許喜可知矣
道光三年三月旣望仁和宋咸熙撰于禾城寓廬

碧蘿吟館唱和詩詞

初刻

古芸舍人十年來所作詩存藁者少而詩日益工浙
東西諸名士往來贈答之作亦半散失今年春余來
訪舊下榻碧蘿吟館談次深爲惋惜遂將匝月間晨
夕同人唱和並游鴛湖詩錄成一編陸續付剞劂氏
爲異日共慰相思之具余亦樂爲酬答之道光二年
季春月望前二日餘姚朱文治識

聞少僊師將至海昌作七律三首迓之

馬錦

古芸

歸築茆堂晝掩關先生已覺一身閒爲憐風月多知己

碧蘿吟館唱和詩詞

一

又撥煙霞出故山京國遠勞遊子夢海邦再接故人顏
瓣香頌德原公論三尺碑橫俎豆間

扶踈花竹學宮旁八景猶留舊講堂啖盡齏鹽僧退院
換將袍笏戲收場昔時行樂浮雲散若箇論交海水長
多少程門佳弟子嗟予陸氏一莊荒

迴環難寄別離心江樹連天改綠陰嗁鴉聽來三月暮
歸鴻盼到半年深不愁肺病還中酒一任狂歌獨鼓琴
待掃蒼苔開舊館園林樂事約重尋

春日由西泠至海昌訪古芸舍人作此以贈

朱文治

少僊

臨平山雨滴疎篷一棹沿塘湖海東老我隔年重訪舊
喜君萬慮盡排空杯能邀月酒成癖畫到通神詩益工
指日向禽婚嫁了儘堪龔啞作家翁

夜坐偶成呈少僊師

馬錦

春風對我酒杯寬長夜燈花別未殘浪墨如雲三斗潑
亂書似草一牀攤別離歲月今聯榻意興江湖欲把竿
判白批紅知不倦蕭騷吟鬢笑相看

次韻

朱文治

斗室閉居似海寬不嫌情話到更殘一椀入手愁都埽
半榻支頤針可攤春水添時纔放權鱖魚肥後好持竿

碧蘿吟館唱和詩詞

二

寔難忘是臨平路萬樹桃開待我看

孟展山茂才返禾城作詩送之兼訂同寓曹氏園

中

馬錦

君向鴛鴦湖畔去閒鷗無夢亦須招園亭昔已開吟社
花柳春還共酒瓢把袂難禁三日別挑燈轉悵一人遙
莫遲修袂蘭亭會綠水鱗鱗好泛槎

次韻

朱文治

焚香煮茗聽吹簫雅集連番不待招此夜扁舟歸故里
一囊畫卷又詩瓢重逢不負花期近小別無如帶水遙
寄語鴛鴦湖上客浴蘭時節放蘭橈

次韻

孟 晁 辰山

君住桐溪我長水客歸翻作主人招相期妙筆詩兼畫
無貧游裝笠與瓢花竹一園堪作寓往來百步不爲遙
登樓遠盼春帆到小別先教撥短檣

述懷

馬 錦

暮雨滴蒼蘚黯然共挑燈桃杏有餘豔搗辭藻未增惟
古屈宋徒翰墨侈其能標榜雖已矣風格當自矜吾意
誓終古吾名期孰稱生駒惜岐嶷老馬謝服膺行當息
塵事非儒兼非僧

次韻

朱文治

碧蘿吟館唱和詩詞

三

春夜短復短熒熒長明燈照我雙鬢景自嗟歲月增東
籬獨徙倚一醉又何能相彼年少徒裘馬當風矜淡泊
日以遠沒世見誰稱俯仰欣暢懷晨夕休撫膺塵事久
不識入定如山僧

自定陽歸謁古芸舅氏欣晤少僊學博卽席賦呈

應履墀 二楸

一自攜家去迢迢夢故鄉宛如新燕子重到舊茆堂滿
地落花影連天春水長相逢有朱老暢飲倒千觴

應二楸孝廉移居定陽數年矣每春秋一歸海昌

古芸曾以社燕賓鴻比之今春二楸來古芸于

扇頭填社燕詞余贈以詩

朱文治

常山飛渡過錢塘紅杏開殘啄海棠莫笑人如新燕子
一春都爲舊巢忙

小桐谿外雨如絲鈎上湘簾盼影遲燈下呢喃傳絮語
新詞翻作渭陽詩

南鄉子

社燕爲二株作

馬錦

相見尾涎涎花月今年比昨年獨立蒼苔紅雨亂迴旋
遲過重三上巳天庭戶認依然說到相思夢亦牽
地穿簾波影動翩翩藉爾呢喃語酒邊

談次偶及袁化馬墳笋古芸卽遣園丁購來啖之

碧蘿吟館唱和詩詞

四

迥異他產作詩志喜

朱文治

犢角貓頭乍出泥烹來甜脆勝紅梨花山味盡東南美
竹箭從今畧會稽

疾足往來四十里老饕每食三五盤舊時玉版禪難悟
枉住鹽官作冷官

太常齋近亦豪奢

余三月中
素食三日

日日流香濃齒牙燕子來

時還作客免教歸夢到蘇家

吾姚蘇家園產燕
來笋甚美故及之

和作

馬錦

春來新笋嫩於蒲飽啖翻嫌食肉麤幾日老饕嘗不厭
胸中抵得渭川無

馬墳此去路非賒滿擔挑回向客誇細檢貓頭分一束
要知風味屬吾家

以笋分餉
二樣姪

和作

馬

瀛二樣

竹影遙連水一灣春雷昨夜過花山
嶄然犢角籬邊出
排到兒孫第幾班

大阮侵晨叩竹扉分甘情緒覺依依
詩翁清味同坡老
食少花豬瘦不肥

少僊先生嗜笋
不食肉故云

夜雨坐古芸齋有懷張雲巢都轉揚州

朱文治

人生重知已相對如古琴高山與流水
情性判升沉訂

碧蘿吟館唱和詩詞

五

交二十年投契在同音君合叶鐘鏞我昨歸山林
癩我
等閒雲讓君作甘霖若論淡中味何須分苔岑
萍蓬浙
水散棗戟邗江臨招邀騎鶴去北渡盍朋簪
乃爲舊雨
留小住桐谿陰簷溜聽不絕
柸酒停不斟一
燈兩人共
懷遠同此心何處廿四橋
今夜詩夢尋

謂古芸

夜雨懷張雲巢都轉師揚州同少僊師作

馬錦

平山堂上做賓筵人在紅燈綠酒邊
十里珠簾高捲處
春風吹不到彭宣

海岸潮聲聽似雷重尋吟館半蒿萊
至今共說張司馬

不見春帆細雨來

一窗花氣雨聲愁隔斷春江碧水流十萬腰纏應不惜
未曾騎鶴上揚州

姚江夫子鶴精神白首鏡前笑語親同有廿年知己感
瓣香心祝又何人

舟抵禾城重寓曹氏園

馬錦

春宵遠溯綠波長襍被來遊一葦杭三月韶光驚蛺蝶
滿湖煙景夢鴛鴦無多書卷充行篋況乏才名奪繡囊
知有故人勞遠望

謂後山諸君

重番歡會話離腸

曾記消寒釀雪天園林借住又今年桃花紅雜荆花紫

碧蘿吟館唱和詩詞

六

柳外風欹竹外煙添酌金樽新酒客

謂少儂師

難磨粉壁舊

詩牋烹茶待月迴廊坐拚我清談夜不眠

次韻

朱文治

小桐溪水接天長長水春流近可杭一櫂乘波狎鷗鷺

廿年無夢到鴛鴦

余不到禾中二十三年矣

重來君檢新詩卷老去

吾畱舊錦囊正及好花開滿鴨脰廊路曲似羊腸

亂紅齊鬪豔陽天白髮隨行雜少年侑酒何勞絲與竹

登樓莫待雨如煙應時移榼宜燒笋隔夜招朋預劈箋

時將鞞筒招文君明日泛湖

指點花梢新月上綠陰深處一琴眠

同作

李祥金

聚齋

風雪歸舟記去年重來恰值冶游天桃花不信零紅粉
楊柳多情裊綠煙入座客兼新舊雨分題詩鬪短長箋
凭闌初上朦朧月狂倒金樽醉欲眠

同作

李遇孫 金澗

谷水鴛湖一水長詩仙相約遡銀塘篋中句好攜從越

襟上痕新認自杭

少僊先生由
武林至海昌

早擬有人來讀書

謂後
山雲

樓

更欣無日不飛觴沂雩風趣當同領試上層樓看綠

楊

訂次日遊
煙雨樓

小園風景劇堪憐隔歲重遊結此緣有竹有亭棲隱處
不風不雨養花天安排古硯當窗口料理新詩到酒邊

碧蘿吟館唱和詩詞

七

數月勾畱興非淺梅溪一櫂往來便

同人泛舟南湖登煙雨樓偶作

朱文治

無煙無雨亦登樓新綠將齊老綠稠我是鑑湖湖上客
尋詩竟日此勾畱

南湖舊號是鴛鴦隊隊飛來拍水香怪底一羣癡女伴

風吹紅袖逐人忙

百里無山盡水鄉萬株繞郭種垂楊人知魚樂因成國

書倩香光志道傍

蘭橈脚尾影參差光動玻璃掩映時別有一船新畫藁

海昌重見馬和之

古芸新製一船船窗
山水花卉俱手畫

家家菱蕩隔漁磯
湖面絲抽帶菜肥
葑草結繩分界斷
凌波誰著水田衣

忽聽歌喉撼笛清
船窗徙倚解餘醒
斜陽西下人爭渡
舟子招招不絕聲

同作

李祥金

雅有嬉春約
移檣傍水汀
湖開雙鏡白
山欠一螺青
羅綺因寒怯
笙歌隔座聽
登樓試憑眺
醉眼爲誰醒

同作

李遇孫

年年三月作春游
春色平分到此樓
今歲韶光更難得
碧桃樹樹出牆頭

碧蘿吟館唱和詩詞

八

上墳纔罷去尋春
船去船來泊水濱
不見鴛鴦飛水面
但看隊隊比肩人

游人結伴向湖邊
倚柳穿花笑語傳
渡口船如飛箭疾
往來分擲杖頭錢

堤上濃陰露翠鬟
風和鳥語聽關關
初桃已度紅牆隔
更有層樓縹緲間

同作

馬鴻寶 少谷

鶯燕爭飛處
花香湖水邊
一羣青雀舫
來傍綠楊煙
小飲添蔬笋
清遊厭管絃
子安能作賦
我正愧童年

煙雨樓嬉春曲

馬錦

東風幾日飄紅雨，酒船撐出花光舞。我輩遊春亦可憐，
愁心欲寫無琴譜。前船繫住綠楊堤，後船移泊橋欄西。
花花葉葉誰爲判，燕燕鶯鶯祇自迷。茜裙踈地弓鞦小，
梳掠雲鬟來窈窕。立定香痕翠薛濃，低遮扇影晴絲裊。
春來都是冶遊場，分得金閨壓繡忙。行陌嬾隨采桑女，
凌波慣學踏謠娘。嬉游半在清明後，畫舫如雲喧渡口。
多情燕子傍人飛，來往拋梭織煙柳。誰是傷春杜牧之，
沾泥拖絮任狂癡。欲乘酒幔茶檣興，一賦嫣紅姹紫詩。
詩成轉恨斜陽落，此時豔影歸香閣。恨乏彈箏助酒邊，
鄰船擘篴歌聲作。聽來水調入篷窗，盪槩女兒亦解腔。

碧蘿吟館唱和詩詞

九

今夜鴛鴦飛去宿，笑他同夢一雙雙。

飲酒微醺立碧桃花下，新月初上倚闌得絕句二

首

馬錦

春衫濺得酒痕多，月影微茫上薜蘿。花氣如薰濃欲睡，
撩人好夢昨宵過。

迴廊風細裊茶煙，一半春愁寄客邊。我有隨身琴鶴伴，
青綾夜擁枕書眠。

次韻

朱文治

小飲憑闌露氣多，碧桃花底繞藤蘿。輝輝檣李城頭月，
如此良宵莫放過。

五株楊柳淡籠煙隔巷絲絲貼水邊君按鐵簫花亂舞
高吟拚我夜無眠

次韻

李祥金

花光月色淡無多庭院陰陰夢碧蘿古芸有碧蘿吟館花下倚
闌看月上一雙蝙蝠掠簷過

綠楊搖動隔墻煙煙影模糊落酒邊怪道嬾吟似楊柳
春風扶起又三眠

次韻

李遇孫

占得城隅幽趣多一庭花竹繞煙蘿碧桃開遍六七樹
絕少游人此地過

碧蘿吟館唱和詩詞

十

渺渺南湖淡淡煙邀將明月到尊邊鐵簫莫便夜深發
驚起鴛鴦不穩眠

春日與古芸舍人晤于禾城旅次作此誌幸並呈

少僊學正

宋咸熙

小茗

矮屋一相晤匆匆十六年神交容我懶佳句聽人傳有
約辜良友汪東村學博曾約奉訪屢以事阻東村已歸道山矣重逢亦宿緣論詩

欣契合衰朽不須憐

少僊歸去後我亦失師資作客遊堪補休官冷亦宜酒
盃隨處把詩鉢賴君持到此莫輕別南湖春好時

答宋小茗廣文卽次元韻

馬錦

相逢各相識離別忽多年我學終無補君名定可傳雪
泥畱迹迹萍水續前緣搔首東風裏鶯花祇自憐

鑑湖一詩老歸有買山資謂少僊師訪舊今重到辭官隱最

宜客居欣邂逅風雅得扶持兩設南豐席心香共拜時

乙丑春西冷寓齋宋小茗學博索畫墨蘭卽題長

歌于上癸未三月重晤禾中言及始錄藁見示

作此答之

朱文治

我畫蘭君揖前袖畫而去君歡然閉門覓句早題識自
爲怡悅不令雙魚傳譬如封禪書長卿藏篋秘不宣又
如蘭亭序辨才閤檻梁上懸是詩是畫兩投合畫者不

碧蘿吟館唱和詩詞

十一

與詩意相接聯倘非一權入長水誰知君是詩中仙何
時墨蘭贈君一萬幅君詩萬首如奔泉詩中各記年月
日白駒過隙無停鞭郵筒不絕勞驛使春風一路長迴
旋君不見壁上畫墨色鮮畫中詩香滿牋吾輩昔時猶
翩翩此詩得見今華顛人生幾度一十有九年

題少僊師畫蘭爲小茗廣文作

馬錦

羅壁山農善畫蘭幽香拂拂霏毫端宋翁巾箱藏一幅
鄭重題詩裝卷軸兩公司鐸分後先飽餐苜蓿臭味聯
山農畫蘭十九載自忘墨迹畱何年今來秀州快覲面
始知畫上增詩篇宋翁朗誦山農笑詩畫兼傳初不料

此時我正末座陪展畫看詩曰妙妙畫者趣味真遙深
詩人託意亦清峭贈畫答詩畫不孤舊詩更以新詩報
君不見堂堂白日去若馳人生離合無定期山農去官
亦已久因何重到鴛湖湄我與宋翁悵契濶因何客寓
相追隨三人忽然作雅合皆由夙定非人爲案頭磨墨
攤素紙雙管如飛盡才子畫蘭百幅詩百章獨我貪杯
學酒狂

附原作

宋咸熙

少僊畫蘭得蘭意草草絕無畫工氣張我虛堂素壁間
髣髴幽香襲衣袂愛蘭藝蘭蘭易枯何如腕底春風嘯
碧蘿吟館唱和詩詞

士

非其種者志必鋤迅掃禿筆成須臾有時畫蘭兼畫葉
深叢向背無複疊有時畫葉不畫花蠻箋尺幅俱煙霞
寫蘭如與寫懷抱能事豈向人前誇君不見千秋墨蘭
數子固至今那得畱縑素又不見高人鄭所翁一腔幽
怨誰能同趙松雪樵道人兩家畫品各殊趣君參其法
妙絕倫少僊嘗謂趙松雪畫蘭全以韻勝氣骨不及樵道人參兩家畫法以贈余我不知畫
愛讀畫晴窗展卷時怡神他年傍君結茅屋同岑臭味
尤相親讀罷離騷痛飲美人遲暮不須論

曹氏園中牡丹盛開古芸以國色天香分韻得國

字

朱文治

青蓮學士嶽搖筆醉寫清平古調出同是春風承露華
傾城何事又傾國我來禾中春暮時花開穀雨喜猶及
此園終年長開門獨遣園丁早培植修廊路轉十二欄
簷角忽見紅雲塞樓臺疊起天仙來桃李尋常豔無色
拏丹有客自海壖畫法莊嚴入詩律謂古法竹林況集風
雅人阮家不復判南北謂聚齋金瀾連朝春暖花氣舒滿隲
晴酣曉窗日詩成對酒興復豪頭白花前少才力

分得色字

馬錦

紅葩綠萼嬌無力曉起推窗見顏色一捻仍畱舊粉痕
連番盡發春消息美人咫尺夢還同學士曹騰詩易得

碧蘿吟館唱和詩詞

三

轉笑羣飛蜂蝶癡愛花爭向花枝逼

分得天字

李遇孫

玉樓曉色一枝妍承露翩翻曲檻前我老不知誰富貴
春深亦復致纏綿氤氳香氣風生暖領畧花光月正圓
多謝主人同載酒此來無負豔陽天

分得香字

李祥金

輕暖輕寒穀雨剛小庭豔影綉斜陽撩人氣味濃于酒
攪我情懷夢亦香安用朱欄裝七寶且呼紅友醉千觴
我家手植應開徧根觸離衷憶草堂

漢銅三斗鎔爲文后山上舍賦

馬錦

銷腹容三斗摩望漢赤銅元延精製造良冶舊磨礪斤
兩權衡準編題篆鏤工購從新鄭野慨昔媮好宮金掌
高承露仙裊怯避風青蛾延旣水飛燕蔽宸聰龍種求
難得王孫啄已空登筵皆象箸銜璧列金缸滿貯天庖
饌親嘗玉食豐珠盤瑤竽進鳳髓豹胎充但願溫柔老
誰知伏莽戎倉琅宵禁廢火井夜光熊陡落銅人淚難
論寶璽崇香零脂粉膩絨拾唾花紅此器遭塵劫憑誰
攷始終題辭推幾輩搨本認還同今遇停雲主前追山
谷翁

此銷舊藏黃思堂
明府家今歸後山

較量無舛誤證引盡淹通獨我

饑涎吐休令食指窮維錡兼及釜得醬更宜蔥籩實魚

碧蘿吟館唱和詩詞

十四

腥饋殺歆簋七饜媚應工竈媪笑可任劔童酌酒狂濡
首奔泉響入隴昭陽思往事張觸落花中

金縷曲

題文后山上舍所藏漢銅三斗銷拓本

朱文治

炎漢荒滌久數銅仙幾回淚落銅銷新就昏載元延鑄
小篆自詡器非求舊奈專寵昭陽時候啄盡王孫仍瘦
損想大官厨已空諸有誰顧此容三斗 曹家拓本流

傳後

謂種梅
司訓

咲詞人斤斤計較重于登豆我羨停雲真

好古不惜萬錢能購將玉印收藏成偶

后山先得拓本
又購此銷及趙

飛燕玉印
並藏之

轉幸畱仙裊化去待香魂飛到鴛湖口如月

影團團又

同作

李遇孫

漢元延銷文氏藏舊藏大令黃思堂思堂得此自新鄭
 歸田什襲珍琳瑯扁之字體甚古容三斗重斤十五
 長安厨供第廿枚製造原來出天府姚生謂吳齋翩翩美
 少年手持拓本京師旋魚門瘦銅穀人句覃溪題跋千
 秋傳轉瞬韶光積年歲後山重購黃氏裔卽以三斗銷
 名齋乞書翁公揮古隸吁嗟興廢恨無窮王孫啄盡漢
 宮中一銷流傳資考核元康不數梁山銅我來不覺摩
 挲久往代繁華歸何有君不見趙家姊妹影共憐何如

碧蘿吟館唱和詩詞

五

此器團團留不朽

題陸蓉塘上舍秋水閣畫冊

朱文治

憶昔繁華盡掃空此閣爲明代吳來之吏部別業笙簫此日換詩筒閣
 臨萬頃煙波外秋在數聲漁笛中儘許訪君明月夜恍
 如歸我鑑湖東畫圖合種梅千樹一樹梅花一放翁

前題

馬錦

南湖煙水浩無邊秋冷蘋花繫釣船枯樹如人當牖立
 沙鷗隨意傍灘眠幽居自喜離城市好友相招厭管絃
 卻笑當年吳吏部紅燈綠酒夜開筵

前題

李祥金

小閣臨流拓數弓繞門秋水影玲瓏子安賦境誰同領
務觀詩才老益工趣味別饒簫管外煙波都入畫圖中
何當載酒來重訪相約湖邊理釣筒

前題次少僊學博韻

李遇孫

臨波遠望閣浮空好放茶鐺與釣筒沽酒最宜新雨後
招朋偶在夕陽中君因避俗離城闕吾欲尋詩出郭東
安得南湖數弓地結鄰相約鐵簫翁

奉酬少僊先生次元韻

陸文煥 蓉塘

襟懷如海筆橫空敢乞新詩貯滿筒寫影偶居秋水外
吟情都入暮煙中琴尊跌宕春波里杖履延留白苧東
碧蘿吟館唱和詩詞

六

更喜扇頭香潑墨清風日對所南翁

新製團扇寫梅花贈小茗學博 馬錦

偶然借寓便爲家客到清談日易斜爲愛廣平妙風格
溪山不寫寫梅花

古芸舍人見贈畫扇賦謝

宋咸熙

寫出寒梅花一棗香風疑坐古巖中報君合買鸞溪絹
到處教人畫放翁

揚得仁風幾度春扇頭莫使泥纖塵他年定有千縑值
珍重詞人此一鱗

贈小茗

朱文治

五載嗟離別相逢橋李城冷官兼老病一面喜重生去冬病幾不起笑我能藏拙輸君享盛名父書兒可讀雛鳳有清聲

同古芸訪精巖寺藕鄉上人

朱文治

雨歇訪開士梵音清不諱禪房通曲徑老樹雜春花絕俗心初靜能詩生有涯參師如玉版談到夕陽斜

同作

馬錦

僧律吾未解佛心吾早諳法華種龍樹色相幻優曇欲破摩登呪來尋彌勒龕茶香領禪悅米汁不須參

少僊學博古芸舍人訪精巖寺藕鄉上人余以事

碧蘿吟館唱和詩詞

七

不果往歸述其能詩各以佳什贈之余亦繼作

李遇孫

未遊青豆房莫識贊公面昨者鑑湖翁來寓城東院相約絳帳生朝夕弄筆硯偶然訪名德歸來深企羨不獨振宗風亦且稱詩彥惜我懶同行相慕不相見倘參玉版禪不願再居殿一笑起凭欄庭花落片片

次少僊居士韻

釋廣 慈藕鄉

世事日旁午禪房殊少譁一尋蘭若徑共折梓林花道味安能盡詩情未有涯況當雨初霽隔樹絮飛斜

次古芸居士韻

廣 慈

林泉吾早占幽事稍能諳密樹繞青靄遙花飛彩曇偶
逢君對榻頗似佛同龕不學東坡老還將四大參

次金瀾居士韻

廣 慈

落花盈案頭春草上堦面靜坐養生機經旬不出院偶
烹銅燻茶瓶且貯陽羨眷言吸江麗談禪實名彥戲將
詩當禪獨拈佛知見使我瞻暮雲欲附斯人殿斯人竟
不來暮雲橫一片

題后山玉洞桃花萬樹春圖

朱文治

山鳥亂嗁紅桃開昨夜風人行溪路外春在洞門中仙
境忽然到塵心都埽空黃農今日是不信問奚僮

碧蘿吟館唱和詩詞

文

前題

馬 錦

紅雲縹渺接仙山雁齒橋橫水一灣昨夜雨聲聽不覺
臙脂濕透翠螺鬟

洞天原不禁人來窸窣靈扉兩扇開轉笑南陽劉子驥
武陵源裏獨空回

流霞遠抹夕陽過定有仙姬豔雪歌醉倒瓊樓扶欲去
落紅滿地踏來多

翫帽樓鞋一徑探纔離塢北又溪南君家本有停雲館
翻羨唐生築小庵

訪同年陳江樹舍人卽畱小飲口占奉贈

朱文治

同譜翩翩各少年
漫思三十六年前
疎星已散曉天外
野鶴忽來長水邊
婚嫁早完君極樂
煙霞無盡我游仙
倚樓人喜共杯酌

謂趙碩軒

如此萍蹤非偶然

疊用前韻答少僊同年

陳 枏 江樹

相見同驚非壯年
春風剝啄草堂前
一官冷味拋塵外
卅載歡情話酒邊
舊事重論渾若夢
新詩先唱欲如仙
老懷逸興偏輸爾
半醉微吟思渺然

更憶杭州握別年

癸酉秋于省垣一晤

六橋秋水畫欄前三生萍

絮殘栝裏十載風霜老鬢邊
買得青山安几榻
招來舊

碧蘿吟館唱和詩詞

九

雨半神仙瓊瑤惠及新編藁
見贈繞竹山房詩藁
維誦蘭釭夜復然

疊用前韻贈少僊先生

趙華恩 碩軒

山斗欽心已有年
荊州今始識尊前
鑑湖風月情如賀
學海波瀾腹似邊
老友不期偕小友
酒仙原是屬詩仙
萬竿綠竹千篇藁
心折雙清各自然

鶯花三月又今年
何幸叨陪杖履前
文字因緣如有約
萍蹤聚散了無邊
半生清福君眞佛
小謫塵寰我亦仙
記取瓣香從此奉
江東雲樹漫蒼然

送春前二日江樹邀同沈葭湄唐蔗圃同年話舊

卽席疊用前韻

朱文治

開到酴醿又一年堆盤櫻笋餞春前繁華夢斷紅塵裏
離別情濃綠酒邊賸有良緣隨杖履都能老健卽神仙
昇平不藉商山皓半日停雲喜自然

次少僊同年韻

唐 祝 蔗圃

燕郊並轡憶當年迢遞雲山在眼前薄宦各拋流水外
兼謂
葭湄 閣吟偏向落花邊遨遊不倦眞狂士淡泊能安卽
散仙太息英雄皆白首銜杯拚我醉陶然

次韻

沈 灑 葭湄

別來彈指十三年踈放于今各勝前鬢雪白添明鏡裏

碧蘿吟館唱和詩詞

三

情塵都付白雲邊聽君高論心先醉投我新詩骨欲仙
最是謝家雛鳳好會排 天闕兩超然 時少僊兩
郎應春闈

蓉塘邀同小茗古芸由化城禪院至蓮隱庵蔬笋

雅集遲黃錫泉明府不至次日錫泉以詩見示

卽用其韻

朱文治

蹒跚展步不爭先古刹閒尋別有天到處湖山藏福地
及時蔬笋大開筵老人自比香花叟童子能參米汁禪
時有張氏子纔六齡招
之入坐浮數大白而去 不道涪翁愛腰腳閉關枯坐藕
谿邊

次韻

馬 錦

連番風信棟花先
蘭若清幽綠滿天
斗酒聽鶯同出郭
僧厨燒笋一開筵
論詩早拜西江社
讀書今參北派禪
我在客中遇桑苧
如何翻客剡溪邊

蓉塘束裝將遊蘭亭

次韻贈錫泉

李遇孫

權泛南湖我最先
勾畱正值豔陽天
鑑湖一老開詩社

鴛水三生話酒筵

子與錫泉同受知于朱石君寶東臬兩文宗

托興煙雲真

得契尋幽花木豈
參禪鴻泥往事成
追憶那不驚心看

鬢邊

流光冉冉鴻泥杳別緒蒞蒞鬢雪生錫泉寄予句也

原作

黃

灝錫泉

尋春好在餞春先
袞屐翩躚落絮天
愧我步思叩厯負

碧蘿吟館唱和詩詞

三

難陪樽泛笋蔬筵
高風合繼香山社
妙悟同參玉版禪

此日豪情勞想像
那禁惆悵夕陽邊

春杪于役禾中訪古芸舍人於天星湖曹氏園卽

日邀同人歡讌誌喜

朱

沆浣岳

天上郎官皆列宿
人間雅集到星湖
交同金石薄嵇阮

詩屬神仙如白蘇
千首琳瑯君有筆
萬竿煙雨我曾圖

小園暫息鵬程翼
不羨鴛鴦相對呼

次韻

張映奎

可漁

訪戴扁舟興不孤
鶯花三月客鴛湖
名園到處鷗盟集

小草欣隨蝶夢蘇
坐有壺觴添雅趣
人傳衣鉢是良圖

謂少僊學博

平原風格倪迂畫讀罷憑欄拍手呼

喜晤浣岳叔

朱文治

小別又逾月竹林風日清何期客中客同行雲行論
畫得知己謂古芸吟詩誰主盟憑空蘸長水老筆一枝橫

次韻

朱浣

人對駕湖水水清心比清壺觴當雨歇詩筆若風行片
語尙徵信全交何用盟瓊林春宴近雙鯉眼前橫時少僊兩

子赴禮部試

浣嶽巖判精於六法因公來禾城相與欵洽巖判

畫石少僊師畫蘭余畫梅合爲一幅并記以詩

碧蘿吟館唱和詩詞

三

馬錦

夙耳齡石名未得親儀範十年課鹽井權稅弊耗減輕
重一以準論斤權淨齟嘉松兩郡間相載駕巨艦民不
愁淡食商販毋敢濫每分俸錢餘買畫盈篋箕公暇事
揮灑墨戲磨磚甃頃刻百紙盡敏捷如斯鮮役卒事官
久筆意皆能辨我亦愛作畫腕底僵且輒臨摹閱歲時
家數尙錯舛今偶客駕湖相見各綵繾急呼攤素牋能
事請試演颺颺風雨來破筆如帚筦畫成一拳石蒼古
繡苔蘚添綴數莖蘭姿態動俯俛蘭秀石更奇兩美已
盡善敢以蛇蚓迹妄與龍攀踐然欲結知己藏拙無乃

狷曾記學梅花舊藁臨王冕橫斜一兩枝肥俗幸能免
畫畢互欣賞墨痕判深淺此幅宜寶藏勿爲寒具忍掣
鹽公事竣我當作飲餞分袂各東西相思賴以遣

次韻

朱 沈

君家矍鑠翁漢代標清範季長設絳帳風流老不減自
古湖本支當如鹽在鹹適來米襄陽書畫共一艦文富
海與潮尋源薄觴濫賦就敵三都帑貴藏巨篋我才愧
韞線自笑無底獻依樣畫葫蘆印壑胷中鮮識字比河
沙亥豕訛難辨細響作喁喁聲律病柔輒燕石寶非珍
美玉反疏舛傾蓋論交深對酒情綵綉幽人自貞吉何

碧蘿吟館唱和詩詞

三

須周易演脫灑輕豪貴疾惡去徹筦名園喜勾畱古砌
衣蒼蘚迫我作長歌力薄試僮俛鳴鳴類秦聲郢詞仍
不善旗鼓樹詩壇龍門幸一踐拔職還立職非狂亦非
狷高懷喜隱逸豈願通軒冕客去無送迎浮文原可免
初面如舊識未信交還淺滿壁皆珠璣畫幔休洩恣回
橈別構李婪尾當春餞他日會吳山情話深杯遣

戲題三人合作畫幅

朱文治

風雅近來誰管領天教吾輩集鴛湖梅花庵主人何在
不信當年得似無

題前畫以志欣賞

李遇孫

翰墨緣同結揮毫入剡藤要看名士筆不數畫家能磊
落奇全吐蕭疏淡更勝雨牕一展玩彌覺薄寒增

菜花鱸魚和小茗學博

馬錦

臺心散徧徧滿畦黃鮮味江村約畧嘗紅雨輕葺初下釣
綠波春草亦思鄉清明入市槎頭共蔬笋開厨土步香
此去吳淞剛百里煙波一叟立漁梁

與洙涇張六華
舍人約未踐

和作

朱文治

開遍桃花又菜花春風張翰不思家煙苗露後結絲網
雨甲坼時橫釣槎味美驗來雙眼合

春初魚未開
眼時味極美名虛

浪說四腮嘉客逢三月休彈鋏長水環畦似若邪

碧蘿吟館唱和詩詞

五

和作

沈淮

紫亭

風味吾鄉二月邊思莼斫鱸早紛然半江紅樹歸犁後
幾稜黃雲抑鮓天種水人家收易足挑春時節買還便
生來自有餐蘆福一飽煙波勝割鮮

原作

宋咸熙

滿腔黃雪撲溪煙煙裏魚苗鱸樣鮮問士更誰知此味
思歸何必及秋天息機終古閤漁長學圃端宜傍詩田
幸值年豐鮭菜賤看花且泛檣頭船

蝶戀花

送春和錢卓齋茂才

朱文治

信今年春又去去路難尋誰問來時路再柳萬條牽

不住連番都被東風誤 我在鴛鴦湖畔寓眼看春歸
莫更將春妬有夢先歸春亦許隨春飛過西陵渡

前調 和作

馬錦

落絮飛英風攪亂香夢沈沈忽被鶯嘶斷何苦歸期難
改換年年勾恨無長短 離別天涯全不管好事消磨
一度匆匆算開到酴醿花架滿簾前錯認韶華半

前調 和作

李祥金

陡覺離愁繁一縷蛺蝶撩人偏傍空枝舞雨雨風風無
是處濃陰遮卻東西路 乳燕梁間嬌學語似惜春歸
何計畱春住垂著湘簾天欲暮落紅儘逐長流去

碧蘿吟館唱和詩詞

三

前調 原作

錢善繼 卓齋

七寶車迴桃葉渡蜂蝶紛紛魂斷香雲路只有櫻桃紅
滿樹綠陰深處依稀露 斜日一鞭人影度馬首楊花
猶是高低舞莫道東風畱不住東風也怕飄零苦

鐵簫歌

朱文治

已卯秋余于武林市肆購得鐵簫好古者云是
秦漢間物因以名樓閣五年鴛湖客舍示古芸
吹之聲甚清越爰作是歌

鐵簫鐵簫古人吹之不離口閱數千年屬吾有以簫名
樓閣何高無人能弄摩挲久前後九孔不與今樂同筭

琶紛奏樓西東蟄龍屈躩挂壁空坐使老人兩耳如頑
聾今年鐵簫隨我出山去海濶天空任畱住篋中錚錚
常欲鳴似說新知不如故主人知音試一吹謂古老蛟

驚吼萬馬馳東坡赤壁聽來何足數遠勝嶰谷截竹分

雄雌嗚嗚萬籟起秋壑作賦無勞李百藥大言小筴皆

凡音紫珮石弦盡柔弱鴛鴦湖上水環郭瘦鐵聲聲自

天落一聲兩聲孔雀飛千百聲清舞白鶴鳥唬花放聽

此客忘歸始信古人鑄此鐵不錯我無十萬貫錢長纏

腰揚州一水何迢遙時將赴雲巢都轉揚州之約主人欲別未別先

魂銷我心往來如春潮何不手攜鐵簫一舟兩人共二

碧蘿吟館唱和詩詞

三

十四橋明月長吟弄

鐵簫爲少僊師賦

馬錦

一枝鐵圓如筓上有九孔穿玲瓏仙翁得之武林市常
畱行篋隨西東此簫云是秦漢製五聲六律旋爲宮情
無欸識可稽攷土花繡澁音難工古調舛錯莫能譜摩
挲銅荻兩耳聾今來鴛水曲徧問吹簫人箏琶筑笛紛
然陳搜剔字母徒掀唇我昔少年學絲竹亦曾按拍儕
伶倫偶然入手忽技癢引商刻羽十指輪初猶斷續氣
不接如珠欲貫無絲縉凝神息氣坐半晌忽通妙悟聲
圓勻高弄欲作鳳凰叫細按更如鳴蚓窳夜深吹向空

庭間雲影停空花亂笑八音惟金最清越錚錚彈劍儘
可杼狂嘯况此長短鑄造本合度何論大言小筴別其
號仙翁仙翁時擲青竹杖踏破紅塵千百丈豈無龍門
之桐雲和笙醉倒蓬壺聞逸響乃獨手攜三尺自往來
欲訪知音結心賞一闋兩闋奏未完那得歌喉噤噤如
輕丸起身瞥作大垂手舞向樽前當蔗竿

同作

馬 瀛

春潮驚拍岸深夜泛輕艫行篋無他物簫聲落大江魚
龍齊出聽箏笛不成腔除卻李暮外知音真少雙

同作

十四 俞嗣昌

碧蘿吟館唱和詩詞

三

百鍊非常鐵神仙賦洞簫舞蛟情髣髴引鳳意逍遙鑄
就聲堪和吹時曲乍調穿雲清韻徹真不愧松喬

題文后山上舍所藏漢銅三斗銷同馬古芸舍人

作

宋咸熙

晝長無事垂簾坐窗前慵看花枝彈有客來說漢銅銷
謂是出土新鄭野黃氏得之歸於文上舍娛賓觀者夥
腹容三斗唇有銘製造精良無苟且我想元延時女寵
滋女禍王孫啄盡猶費大庖羞伏莽郊原民勞瘁君不
見羊公之石已摧殘銷沉更少香姜瓦銷兮銷兮豈是
天使鬼神久呵護遲遲與諸博古通經之大雅不然何

爲不先不後忽值古芸舍人特開南湖之吟社名作畱
題豈出翁吳張程諸公下

曹氏另有拓本翁單溪吳穀人張瘦銅程魚門諸前輩俱

有詩吁嗟乎名流聚處其偶也得失亦如塞翁馬惟有詞

人一紙詩能令漢代名傳到良冶我無眼福足不良

足疾未得同觀更無健筆能杼寫但願舍人借作餉客具定能

佐以雞羹虎雌之古尊醉拍銅斗歌酒闌鐙燭炮行樂

如斯見亦寡行樂如斯見亦寡幸勿告之食肉者

題文后山上舍玉洞桃花萬樹春小影

李遇孫

翩翩修到梅花身

后山有梅花小照

忽愛濃豔萬樹春要知仙

碧蘿吟館唱和詩詞

三

骨不避俗證得後果悟前因桃花灼灼笑洞口玉女開

簾曉粧後爛漫紅雲色正酣蟠桃待摘摻摻手繁華冷

淡亦尋常梅花桃花皆芬芳詞人寄興自有在見花那

不飛千觴我來鴛湖三月暮城東碧桃開幾樹安得從

君杖策遊追隨踏遍桃源路

禾城呈少僊師用古芸舍人韻

王寶鏐 品蓮

林煙嵐翠護松關偶爾停驂亦自閒闌地愛畱三逕竹

劇雲幽寄半房山鶯花歲月渾忘老詩酒情懷獨解顏

多羨程門賢弟子追陪杖履坐花間

謂古芸中翁

奕奕文星燦斗旁生徒幾輩又升堂置身不到功名地

適意仍畱翰墨場繡水吟朋高且雅

謂李聚齋金瀾兩先生

海門

教澤久彌長莘莘俎豆當年事桃李春風未就荒

瓣香虔奉勵初心少日韶華惜寸陰赤簡飽搜年易去
青雲未到夢俱深虛牕淨几閒摹帖古調新聲獨撫琴
何日鱸堂重負笈紫藤花樹一追尋

集曹氏園小飲

馬瀛

滿階苔蘚綠小築屋三椽借作題襟館坐如春水船樓
桃一厨共詩句幾人傳長夏儘堪買桐陰終日眠

次韻

朱文治

繞亭花似繡隔院竹如椽酒渴各飛盞衫輕不上船低

碧蘿吟館唱和詩詞

五

吟燈影靜沉醉漏聲傳坐客半歸去連牀相對眠

次韻

孟晁

修竹參天立蕭森蔭數椽地幽緣近水屋小恰如船蟹
眼茶初沸雞缸酒共傳北窗足清趣我醉欲高眠

禾城詠古四首

朱文治

早聞遯蹟變鳴夷不信湖仍號范蠡霸國江山開闢後
老臣勲業退歸時陶朱故里傳家督橋李畱亭笑語兒
流盡傾脂河畔水迢迢一舸載西施

范蠡湖

頌德休尋舊酒壚嶺山咫尺向誰沽生前一日杯難放
酌此千年草不枯寂寂無人隨荷鋤朝朝有鳥喚提壺

獨憐強避漢留諱改作金家姓氏呼

劉伶墓

扈從曾聞呼陸九此橋何事屬宣公母迎古驛恩波濶

客送新茶一水通帆影往來歸浙右人心歡洽似山東

憑誰題柱書功績學士靈光萬丈虹

宣公橋

閱歷滄桑早破禪碧漪坊下供寒泉占來塵世連番夢

修到人天第幾仙詩拾松花畱句好畫游茗水訪師傳

城西別有徐灣廟入籍蓬萊判後先

冷仙祠

和作

馬錦

興廢難論越絕書陶朱生計託何如鷗夷船小誰偕隱

檣李城高偶卜居霸業曾同秦五毅行吟不學楚三閭

碧蘿吟館唱和詩詞

三

至今一掬粼粼水猶有勾吳沼後魚

范蠡湖

土木形骸葬此邱萋萋綠草酒痕畱閉關早作長眠計

荷鋪貝教爛醉休千日中山還覺短三生麴壘復何求

梨花時節青旗外間有壺觴一酌否

劉伶墓

內相聲名禁掖呼一朝奏議古今無共資利濟杜兼石

得示周行顛可扶襄毅祠邊分夕照春波里外接煙蕪

垂虹秋色江南路北去滄茫欲釣鱸

宣公橋

九聘難徵協律郎翛然高舉跨鸞凰天風吹影尋無夢

雲水飛身寄此鄉仙亦遭誣思引避畫還畱藁付搜藏

葛翁近在吳山頂游戲何妨共一場

冷仙祠

和作

李祥金

當年誰設沼吳謀，眼見蘇臺麋鹿遊。
弱國難扶惟一戰，美人共載亦千秋。
粧樓舊址空衰草，泛宅生涯逐野鷗。
畢竟英雄讓胥種，憤將心事激江流。

范蠡湖

冷仙仙去知何年，塵寰遊戲同癡顛。
太常偶寄身外迹，小隱直入壺中天。
成祖不能繩法網，星湖終古薦寒泉。
平生自分無佳夢，授枕徒勞一覺眠。

冷仙祠

和作

李遇孫

終身兀兀入醉鄉，生既如此死何傷。
豈知墓門三尺土，畱得姓氏千秋香。
荷鋪誰來覓高躅，賦詩不愧稱古狂。

碧蘿吟館唱和詩詞

三

今日落花鋪滿地，柳邊猶見酒旗颺。

劉伶墓

內相勲名莫與爭，濟川豈僅一橋名。
甲兵早挽銀河洗，姓氏偏畱古渡橫。
西望月波同浩浩，南來鷺水接盈盈。
萬家煙火千橋集，終古行人樂蕩平。

宣公橋

附作

戴培成

西隱

畫樓高聳隱苔磯，放櫂湖中晚未歸。
兩岸鴛鴦時出沒，一痕煙雨入霏微。
魚鱗蹙浪添新漲，螺影浮光映夕暉。
我是釣鰲溪上客，投竿獨立正依依。

釣鰲磯

放鶴洲前放鶴游，鶴歸人往尙存洲。
落霞孤鷺看齊起，楊柳春旗影共浮。
綠水頻添宜賦恨，春山難買不消愁。

裴公舊宅今何在一片橫江遠接樓

放鶴洲

方丈蘭士墨竹卽用其韻爲夏夢禪題

朱文治

樗翁卅年前一面西冷會人老比竹瘦畫筆通靈怪
搗來見遺墨个个挾風快讀畫我思古的是沙彌派

次韻

馬錦

我欲作墨戲畫竹費理會發竿與疊葉咄咄殊可怪
妙哉樗翁落筆風雨快錢唐魯孔孫庶幾同一派

次韻

李遇孫

昔過桐華館屢與樗翁會落紙挾煙雲夜深發光怪忽

碧蘿吟館唱和詩詞

三

見瀟湘圖筆墨更清快我但知畫佳不復辨宗派

李金瀾學博同寓禾城賦贈

朱文治

十二年前證夙因

壬申夏同寓杭州慧安寺

鴛湖鷗侶又相親清談

知味勝醇酒力學有心追古人金石搜羅成著述溪山
游歷勵精神飽嘗苜蓿行將慣始信先生境不貧

次少僊學博韻奉酬

李遇孫

忽離忽合總前因聯榻禾城意更親舜水名流崇樸學

蘇家詩派有傳人何嘗食肉心祛鄙從未煎茶句亦神

學博不食猪肉不若飲

晚計郊扉真自得不談富貴不知貧

四月三日同人集法華庵食笋作

朱文治

禾城東南隅活水一灣綠水口結小庵繞庵種修竹寂
靜無點塵精雅敵三竺茗飲前度游酒場後來續籬疏
眼編麕笋短角露犢分明玉版師比擬毛人谷野衲謹
護持老饗肆殘酷循牆撥草尋荷鋤入土廟取肥焉用
瘦默呪違論祝曲行未三步薄采得一束解籜細剝蕉
秦刀快切玉燒之糝鹽豉候之飭僮僕出鉢熱氣騰堆
杵亂雲轟聞香涎欲流投箸舌將縮咀嚼矜齒牙宮商
聽急促畏尖衣軟柔到根味含蓄旁列多骨魚佐以花
豬肉座中有同嗜此外非所欲僉曰借僧厨庶不負吾
腹痛飲休停尊劇談見跋燭居願如子猷癖深笑癡叔

碧蘿吟館唱和詩詞

三

謂浣
嶽叔

埽壁畫簷管清風吹往復伏波忽技癢

謂古
芸

長松

又成幅墨汁費手磨僧難苦身扑向我催新詩落筆走
飛瀑頻年客他鄉半日得清福聚散萍無常文酒讌不
俗後來看竹人有誰面壁讀

法華庵食笋浣岳巖判壁間畫竹卽席成三首

馬錦

僧舍環修竹簷管翠千个詩人想鬪笋饒腹如饑餓繞
籬尋根罅雷雨土新破瞥視牆角間盈尺貓頭大長短
排作班亟喚攜鑿挫門外綠交橫陰陰麥秋作酒餚載
滿船藉此式飲佐請參玉版禪蔬菽呈佛座

束笋卽烹笋溉釜沃以湯解箨碎剝繭圓密中裹藏爛
熟等煨芋脆嫩殊搗薑松柴塞滿竈百沸騰珠光無須
配五味真味含清香奏刀一剖截寸節煩料量須臾出
餉客雙箸蝶翅張噉聲細可聽滿口皆宮商

春去笋漸稀但願莫成竹成竹亦復佳可療俗人俗十
畝風雨寒煙梢出茆屋朱翁會此意手寫墨痕熟落筆
響颼颼粉壁當卷軸鳳尾交參差神妙推斯獨從此禪
榻間髣髴居嶰谷愛竹愈愛笋鄙哉誇食肉

醉後壁間畫墨竹并題

朱 沆

沙彌手磨墨一斗畫竹出我胸中有梅花道人今夜來

碧 吟館唱和詩詞

三

條然个个迎風走

次韻

馬 錦

杯深錯落橫珠斗翰墨當筵臚衆有今朝行入碧雲中
昨夜鐘龍驚欲走

題浣岳叔畫竹

朱文治

繞籬流水竹扉扃老衲高眠喚未醒可惜滿盤烹犢角
秋聲一半不教聽

題古芸畫松

朱文治

聽徹精嚴打晚鐘詩人剪燭畫長松只愁風雨飛騰去
故倩虬枝伴鐘龍

對竹有感卽題法華庵壁

朱文治

繞竹山房是我家廿年游宦屋欹斜萬竿忽向客中見
兀坐思鄉手自叉

次韻

馬錦

成竹胸中擅畫家東塗西抹墨痕斜蕭疏屋角琅玕影
坐箇詩人溫八叉

次韻

張映奎

水鄉到處是吾家況有篔簹萬箇斜小坐茅庵同對酒
情騰不辨路三叉

次韻

朱沆

碧蘿吟館唱和詩詞

三

墨竹誰云不到家一枝平正一枝斜僧寮寫意尋常事
掛壁何須用畫叉

題姚芝田上舍松泉圖

朱文治

老松傍石眠水繞一溪曲水聲與松聲合併山之麓山
中有幽人雙耳聽來熟圖成結遐想待築數椽屋

同作

李遇孫

日移竹影青檀欒坐到春深生暮寒風入松枝落空翠
泉流徑曲飛迴湍竹聲松籟盤桓久磊落襟懷杯在手
探得驪珠月正圓夜深疑有蒼龍吼

風入松

同作

馬錦

松花香細落春衫流水冷潺潺一拳蒼石苔痕繡靜無
塵便住仙山聽到泉聲澗底秋濤又在林間清風都
入白雲灣明月鶴飛還南湖煙水歌船出告流鶯一笑
無關不及著書閉戶撫摩多見鱗斑

姚六榆明經以松陰獨立圖索詩走筆應之

馬錦

謾謾鳴松風滿地落濃翠下有竹數竿鸞鳳弄幽吹高
人此俯仰獨漉息塵事空林寂無譁悄然發詩思誰爲
金石交把袂入清闕與君契古歡手持鐵如意

同作

朱文治

碧蘿吟館唱和詩詞

姜

知君與俗殊曰科金石字畫同搜羅交游嬾隨冠蓋集
俯仰長松喜獨立兀然立定兩腳根蠟屐不入王侯門
終朝手弄鐵如意清聲靜聽忘晨昏

同作

李遇孫

蒼松天矯挺香巖怪石松根露碧曉一自君來松下坐
松花如雨撲青衫

撫摩爲愛蘚痕斑籬菊紛披未忍攀豔福縱然塵世有
肯教青紫換清閒

送浣岳叔旋杭州

朱文治

弄筆又持籌兼旬駐秀州沿塘橫巨艦觀稼倚層樓文

酒連番暢蘭橈不可畱官程有期限羨我似閑鷗

同作

李遇孫

一笑相逢落絮天尊前許共擘吟箋冰壺清潔官心在
玉局風流畫筆傳此日難邀詩侶住謂可漁諸君何時再結
勝遊緣武林山色駕湖水兩地茫茫別緒牽

畫團扇贈浣岳鹺判可漁茂才卽送還杭州

馬錦

天教我輩樂清閑客裏琴樽數往還此別何人憐馬遠
墨痕半角武林山

勾畱半月忽揚舲吹盡春風柳眼青寫出夢中雲一片

碧蘿吟館唱和詩詞

三

隨君吟篋到西泠

將返武林畱別古芸諸君子倒用少僊送別韻

朱沆

檇李偶于役此心盟野鷗畫中詩境好衣上酒痕畱未
入精嚴寺邀游不果往同登煙雨樓臨行期後約何日到杭

州

訪少僊學博古芸舍人于禾城東園分贈七律二

首

馮鏊波曇

閉向東園訪舊盟棟花風裏拜先生文壇模楷前型在
筆陣縱橫後輩驚興適何嫌雙鬢白品高始覺一官輕

何當絳帳聽絲竹不羨箏琶俗耳鳴

名士名園適會逢好將幽興寄芳蹤畫如元鎮惟求淡

詩似香山不愛濃花逕紅雷城半角綺筵綠倒酒千鐘

西冷橋畔論文處曾踏秋雲遍兩峯憶戊寅己卯同下秋闈忽忽五六年

次韻

朱文治

新詩投贈訂鷗盟慚愧霜痕點鬢生但覺少年形我穢

何嘗出語有人驚露愁鶴夢三三更警雲看鵬程兩翼輕

剪燭瑤華三復後松風清比煮茶鳴

次韻

馬錦

西冷一笑記相逢別後蹉跎散客蹤舊事夢隨春共去

碧蘿吟館唱和詩詞

三

故人情比酒還濃詩龕共擊三聲鉢僧寺遙聽半夜鐘

磨盡螺丸燒盡燭爲君爰史畫雙峯

初夏雨中訪古芸舍人歸後卻寄 黃灝

尋君曲巷欵扉來蘿薜煙深一徑埋錯把衣冠驚逸客

卻因風雨避高齋閉門揮翰筆難放握手論詩興轉佳

出近作笑我顏齡忒未了無緣共醉酒如淮蒙有湖舫之招因事

不克赴約

雨中訪少僊學博不遇賦此

黃灝

我亦林泉嬾散身偶緣酬酢動車塵竭來深巷元亭裏

偏值風斜雨細辰猿鶴徘徊疑俗客蒹葭蒼莽溯伊人

層樓難覓陶宏景松下殘碁花落新

次韻

馬錦

一雨連朝湖水滿眞如塔影亂雲埋鶯花老去空深巷
杖履翩然過寓齋有客能來長不速此間得住頗爲佳
晦翁指日游裝發早動吟情向兩淮

少僊師將
赴揚州

次韻

朱文治

野鶴閒雲自在身不完衣履避紅塵出游興到已過午
行樂老來當及辰我正提壺尋酒客誰知冒雨有詩人
王猷訪戴何曾見贏得歸途覓句新

偕蓉塘晤古芸舍人兼詢少僊學博不值賦贈

碧蘿吟館唱和詩詞

五

徐齡度 愛山

閒攜舊雨尋今雨策杖城隅欵竹扉正是晚風天霽後
楊花如雪點春衣

舍人簾閣藉花茵几研香薰不染塵酒盞詩瓢兼畫幘
此中天許著閒身

座有師儒老鄭虔三生翰墨結重緣癡心我比王猷甚
懊恨空回剡水船

次韻

馬錦

終日論詩兼讀畫滿堦草綠掩雙扉一春花事闌珊後
尙有餘香染客衣

有時醉倒臥芳茵揮去城闔十丈塵君是南湖高雅品
半村半郭託吟身

刀佩三公羨呂虔生來金紫本無緣何如潮畔盟鷗鷺

甫里門前問釣船

余因陸翁蓉塘
得交愛山故云

夢禪翁歸迹少僊古芸兩先生禾中賦詩唱和極

盛作二律寄之

吳書森 松雨

聞說名園好來游惜未曾何人能載酒於此結吟朋對
景春開夔論文夜剪鐙餘閒寫叩壑著紙興飛騰

素仰朱齡石文章老斲輪梅花修慧業明月證前身課
子成名早居官味道真南豐香一瓣傳到白眉人

碧蘿吟館唱和詩詞

單

苦雨五十韻

馬錦

首夏蠶事興天氣貴溫燠篝火捉眠頭閉門縛柴蔟何
期連日雨檐溜瀉飛瀑蒼苔繡柱礎碧水平溝瀆初猶
放曦陽旋又灑霖霖著樹碾珠塵滴砌響琴筑新綠靄
欣欣落紅紛紛蔽蔽斯時急飼蠶桑葉濕難鬻雖復論擔
挑奈無旭日暴翦澁減鋒鋸梯滑支朽木言采待脚踏
微行困匍匐枝幹皆塗泥牆壁況滲漉蠶婦夜不眠辛
苦望蠶熟欲賣鮫人絲反虛馬頭祝我寓秀州城匝月
流光速愁霖忽厭聞詩興于斯獨借廬等蠅棲下榻似
蝟縮看盡野園桃認徧鄰家竹行沽有玉壺相賞在芾

屋杯空酒客稀燭冷吟聲感瘦蛟騰硯池敗蠹走書籠
愁作沼內魚夢爲蕉下鹿坐雨促膝談聽雨聯牀宿倒
挽水三峽下噴珠百斛教寫丙丁帖悶守子午谷朋約
費遲畱閑居笑窮蹶笛噓鳩噓弄筆禿鶯禿城陰百
雉寒塔影一枝蠹草塞徑三三雲昏峯六六巷口惜泥
滓屐齒孰排蹴因思蠶事荒鄉民歲何卜上棚餓且僵
倒篋棄而哭匪特寡機絲兼恐乏旨蓄豆莢正紛披麥
苗方養毓根莖植未堅挫抑勢將扑嗟哉對隴畝違焉
計種稔我日飽三餐自戒輕半菽矧茲衣被功疇不炫
綺縠玉繭數零星纜車停輾輓錯將月令稽嬾執幽風

碧蘿吟館唱和詩詞

望

讀雖然天公意定不空杼袖濕雲展愁眉晴暉醒倦目
旣萎亦可蘇因甌將成福南湖浪欲高北郭煙新沫釣
鯉付庖厨掃榻命僮僕趁好理琴書急先曬衣服雀舌
淪清腴龍涎薰馥郁待隨飛鳥翔豈效蟄虫伏有人衝
泥來叩戶聲剝啄

同作

李遇孫

自從棟花風信後一雨十日竟不休濃綠陰陰壓簷角
新竹箇箇穿牆頭湖水陡高四五尺橋低有碍來往舟
所慮正是養蠶月條桑難向微行求濕葉飼蠶蠶不飽
蠶娘中夜雙淚流況是蠶性忌寒冷大家爭披木棉裘

回首更從隴畝望麥氣不見郊原浮水浪幾與麥混合
豆莢坐此亦減收官糧私逋從何出老農對之心煩憂
賦詩令我三歎息忽聞笙歌來紅樓對門誰家一樓臺
朝朝暮暮傳清謳羅綺那知機絲苦醉飽安用稻梁謀
人生勞逸有如此豈關賦命實不猶要知天道終不爽
譬彼學者勤操修有年無年縱未卜一朝發迹始願酬
眼前樂境何足數莫將身世同浮漚斯言未畢天已霽
南窗頓闢風颺颺挽回全仗彼蒼力有如久痼今纔瘳
遠峯隱現雲靄翳林鳥飛止聲啾啾此筆更賦喜晴句
仰視皓月升簾鈎

碧蘿吟館唱和詩詞

望

同作

朱文治

客舍蕭然靜掩門晝眠無復辨晨昏壁間讀畫供消悶
幅幅都成屋漏痕

浙西生業望蠶桑何況平疇麥未黃四月關心在衣食
雨師不識萬家忙

連日披裘怯暮寒南湖水漲十分寬夜深蓋著新荷葉
只有鴛鴦雙夢安

同作

孟寶鎮 康侯

碧樹扶疏雨打門且寬愁思倒清罇小溪人把漁竿立
深巷煙浮野屋昏燕影濕脚花外絮屐聲近隔水邊村

問誰對榻吟詩句同聽瀟瀟剪燭論

禾城感舊

朱文治

虞深泉明府

鈴閣奉經師笙歌對讌時

乾隆戊申秋深泉館于中丞浦公與余爲公子執柯桑

田成海易滇國棄官遲冷面偶和霽清心長把持流風

傳孟仲聽誦涓陽詩

謂孟展山茂才

家友鶴學錄

萬卷載聯船逍遙得幾年書仍藏老屋鶴已馭飛仙長
水來狂客吳山夢舊緣一駒可千里珍重著鞭先

沈秋塘司訓

碧蘿吟館唱和詩詞

聖

曾訪隱侯宅藕花溪對門生涯杯在手小字玉爲根泉
水同源出

余與秋塘同出環塘師門

師儒一道尊白楊今欲拱過此

獨銷魂

陸桂舟司馬

白面郎年少宮花帽上簪使星分楚北佐郡到滇南有
酒德常頌無官貧亦甘劉伶埋骨處一醉竟同龕

秋笠亭廣文

馬錦

講堂十載老經師史漢文章筆一枝遺業青箱傳有後
舊遊白社聚相知停車問字嗟何晚扶病歸田惜已遲
同我愴懷朱給諫清尊歡會憶當時

昔因朱筠麓給諫得從先生遊

戴松門明經

丹里街頭屋數間尋詩幾度叩柴關早悲宿草秦淮海

余同松門受業於秦小峴司寇師司寇先兩月歸道山 尚賸晨星陸研山謂蓉門

祚凋零撐獨力名場蹭蹬備諸艱生平書畫空成癖問

到巾箱涕淚潛

朱梓廬明府

李遇孫

禾錄初成杖履親庚申年余同修府志重遊泮水憶芳辰雙聲指

點精詩律家法真傳竹老人

沈雙湖吏部

袞袞論文前輩誇白駒舊巷最清華兕觥奉母兼酬友

碧蘿吟館唱和詩詞

留

霜鬢明燈興不賒昔余讀書城中吏部招飲以兕觥饗客前云此常為太夫人壽者今以勸

不飲

吳澹川明經

澹川詩是天仙才胸襟磊落真雄哉至今南野草堂過

猶似吟聲屋角來

葛杖坡茂才

精舍梧桐結佛緣夜深尊酒共纏綿流光冉冉半竿過

丹井無從問釋川余與杖坡讀書精嚴寺梧桐房後歸珠溪歿已十餘年矣

車半林李芑泐兩學師

師範同時車李尊春風入座笑言溫寓公久逝廳官老

樵李吳淞詩卷存半林師罷官後寄居禾城芒泖師陞松江府經歷旋歿

丁小鶴明經陳曩生司馬

秋樹齋前日日過還從蓮幕共高歌升沉一樣曇花見

剩我頭顱奈老何余丁巳年讀書禾中小鶴在沈氏秋樹齋課讀曩生嘉興縣署掌書記

題二槎花間評畫圖

朱文治

二槎能詩兼善畫綠玉鴉弋壁間挂是時紫薇花正開
紅魚結隊衝波來對花品畫極樂事北派南宗各位置
淺深離合今誰知幅幅中有無聲詩詩境靈空畫理足
不信閉來問痴叔謂古芸

同作

李遇孫

碧蘿吟館唱和詩詞

星

鹿眼疏籬曲徑遮回廊小坐興非賒妙將畫史通花譜
一幅丹青一樹花

枝頭乍過雨廉纖花雨重重欲上簾評到遠峯深淺處

畫眉斑管手頻拈

詩中有畫畫中詩自古詩人並畫師我愛窮溪參妙諦

較量詩畫費清思

近來畫手誰第一前有惲王後奚方羨爾搜羅誇眼福

花間可許共飛觴

同作

馬錦

阿阮愛藏畫堆積千百軸本是無聲詩偏作有聲讀

細辨南宗北派都歸判白批紅常有墨香飛繞林邊花
氣朦朧

佳話頻年記得無曾經借取自臨摹一船不抵千縑值
卻換梅花菴主圖

余曾以所乘小舟
換吳仲圭山水

東園十二詠

朱文治

園在嘉禾東城中木石蒼秀結構自然卅年來
屢易其主無能名是園者今屬曹氏道光癸未
春夏之交余與古芸借居月餘頗適意遂以東
園名之分十二景各綴一詩

湖東別墅

碧蘿吟館唱和詩詞

吳

城隅數椽屋簷角列女牆近連天星湖湖在園後藏往
來有高士一詠且一觴

百花樓

春朝人倚樓俯視百花放宛如跨飛鸞高立紅雲上老
竹參數竿秀色何多讓

紫雲洞天

洞口蟠蒼龍雲是龍嘘氣奕奕騰紫光挂空不著地仙
子飄然來出入供遊戲

笠亭

綠陰潑空翠樹杪露圓笠翼然築一亭石丈與之揖循

牆坡漸高遙望覺孤立

踏月廊

欄杆十二曲曲迴修廊團團見明月雙趺喜欲狂夜
深清氣多忘卻添衣裳

桂堂

雙桂樹交蔭亭午掩赤日待到開花時香風滿堂室如
來是後身金粟影堪質

桐影池

古桐百尺高隔牆屬東鄰清影分兩家倒落池水濱朝
陽聽鳴鳳有客方垂綸

碧蘿吟館唱和詩詞

七

雪香吟館

紙窗四面開梅花向窗撲幾樹雪未消杖屨不受東寒
風吹暗香清吟斷還續

不繫舟

憑空一舟橫涼月光如水不繫自停泊何愁狂風起風
起亦偶然吹入蘆花裏

醉醺徑

落紅飛滿園花事尙未盡一徑鋪苔茵長條遠牽引醉
醺笑東風年年別何忍

閨閣圖

武侯志淡泊種桑八百株何如十畝閒隱者閉門居春
蠶早上箔亦復讀農書

五柳堤

五柳斜對門一湖曉開鏡柔條蛇長隄境合住陶令絮
落不化萍是豈水之性

相傳天星湖爲秦皇
所掘至今不生水草

湖東別墅

馬錦

參差竹樹分排窳窳房櫳結構年年燕子飛來慣認主
人非舊

百花樓

高曳彩霞幾疊俯窺豔雪成堆倘作藏嬌金屋定是秦

碧蘿吟館唱和詩詞

吳

臺楚臺

紫雲洞天

怪石庭隅峭立洞門一徑遙深上有藤花覆絡開時不
辨晴陰

笠亭

兀然一箇荒亭圓小渾如戴笠憑誰歌著吟扇風露滿
頭不濕

踏月廊

隨意巡簷散步月影移過欄杆化作虹橋萬丈扶搖直
接廣寒

桂堂

連蜷桂樹兩株密葉交柯浮綠秋風吹落天香鋪滿階
前金粟

桐影池

隔院芳陰遮黯一泓鏡影新磨飛出牆頭么鳳桐花錯
落點波

雪香吟館

月下暗香浮動燈前停筆推敲知有羅浮好夢美人來
伴寒宵

不繫舟

碧蘿吟館唱和詩詞

吳

身世渺若浮萍塵海茫茫無著何如坐守定椿穩向花
陰停泊

醉醺徑

花事闌珊飄盡一樽婪尾餞春酒醒昨宵殘夢餘寒踏
破香塵

閨閨圃

隙地課桑種菜豈云老圃不如付與兒童熟讀齊民一
卷新書

五柳堤

門外珍珍楊柳春來時弄鶯聲得向此間卜宅請學栗

里淵明

湖東別墅

李祥金

小築瀕星湖結構殊不俗我來剛冶春雜花滿林麓

百花樓

庭樹交枝柯一樓窗四面推窗試凭欄濃香薰欲倦

紫雲洞天

疊石仿獅林藤花紛四照一洞窈而深酷日所不到

笠亭

迴廊東復東有亭若覆笠連朝正苦雨棋聲和雨急

踏月廊

碧蘿吟館唱和詩詞

辛

屈曲朱欄遮陰森修竹繞雲破月朦朧人影在竹杪

桂堂

堂前老桂樹壓屋紛穠綠與爾結秋期鼻觀參金粟

桐影池

我來桐初乳轉瞬綠漸老有池澄淺碧月浸一丸小

雪香吟館

憶昔遊鄧尉行吟雪滿林此來及春暮空枝成綠陰

不繫舟

一屋小於舟似向牆陰泊穩坐讀南華何處風波惡

醉醺徑

滿架發醱醺春歸如策駿只愁一夜雨香雪鋪苔徑
閉閨圖

餘地盡栽桑桑陰覆半畝行行攜輕筐采采露摻手

五柳堤

三兩株老柳旖旎披前津浪說張緒媚喜結陶家鄰

湖東別墅

趙華恩

小拓地數弓東傍湖之畔湖水浸長天列星明燦燦此
中宜高士嘯歌達昏旦有客著屐來賭棋恣賞翫

百花樓

高樓置花中花開不計數東皇駕鸞輪衆芳一齊赴當

碧蘿吟館唱和詩詞

至

窗香氣襲最好三春暮不是愛樓居領畧看花趣

紫雲洞天

洞天知第幾名不注丹經仙人紫綺裳蒙茸覆石屏邀
客入空谷踏破莓苔青蛟龍時起蟄花霧吹冥冥

笠亭

小亭形圓圓望之若戴笠竹雨青簑破松風老櫓襲岸
傍耕農鋤水際釣人立儻有乘車人過此下車揖

踏月廊

月子何彎彎照我曲曲廊曲廊亦窈窕滿地明月光步
屨獨往還延佇向西廂愛此不忍寐冷露濕衣裳

桂堂

月中有桂樹健步移堂前涼秋八九月黃雪飛瓊筵遐
思明月戶八萬有四千會期集此堂同參木犀禪

桐影池

鄰家老桐樹疏影落清池高人撫華銅顧盼生幽姿劇
愛盈盈水濯彼碧玉枝么鳳三百隻驚起白鷗鷗

雪香吟館

玉塵攪長空一枝已破萼乾坤此清絕恍若兩賢角解
人空色想好句費搜索杯以嚴寒深夢以暗香覺

不繫舟

碧蘿吟館唱和詩詞

三

斗室如小舟虛堂杯可渡泛泛人海中誰識浮生誤十
九皆寓言天倪漆園趣豈等張思光牽船岸上住

酌醺徑

曲徑窅而深瓊香堆滿架綠衣傅粉郎吹氣如蘭麝相
將立苔磴翠霏雙不借莫惜春事盡卯飲更卞夜

閒閱圃

學圃良不易誠恐費心力浮雲雖云閒何事逐飛翼曷
若擇隙地逃虛而晏息人生真須臾半日亦偷得

五柳堤

種柳大隄旁適符其數五陶公千古人名解婦豎破

曉鳥一鳴昨夜知風雨起看踈地條肯作折腰舞

黃東樵參軍見惠藥酒詩以酬之 馬 錦

仙液分攜貯滿瓶舉杯便覺口流馨偶從枕篋搜靈秘
自向松根采茯苓徐邈別傳中聖法嵇康本著養生經
黃壚來訪多相識天上詩星盡酒星

舟泊鴛湖借晴湖過曹氏東園陪古芸兼懷雲樓

馬世芳 慎菴

湖邊三十六鴛鴦吹上花香水亦香幾日喚來鳩婦雨
養蠶天氣作秋涼

葦堂晝永竹簾疏書畫綠多客不虛一月移家如燕子

碧蘿吟館唱和詩詞

三

薰爐茗椀賦閉居

穀雨花開花事闌餞春愁思泥雕欄我來更愛山居靜
新綠如雲滴翠寒

故人西里撫瑤琴昨夜吳江水調吟重待菱荷風裏過
蕉窗涼月話苔岑

同作

馬 濬 晴湖

林亭雨過綠陰稠屐齒重尋曲徑幽此日正開山墅讌
當年曾奉板輿游柳邊讀畫垂青眼壁上題詩半白頭
不讓西園成雅集才人到處有名留

將返桐鄉畱別少僊古芸

宋咸熙

修廊曲折聚吟魂，憐我孤栖感注存。
前輩風流甘遜迹，後來壇坫又推尊。
雁飛隼俟春雷信，謂少倦兩郎君鴻去難忘印雪痕。
明日桐花谿上住，離愁如雨向誰論。

招我聯床曲尺眠，歸心奈似箭離弦。
東園景好詩難和，北海尊開僕亦賢。
高館借來成退谷，詞人老去學遊仙。
他年提輯南湖志，姓氏先將二客傳。

次韻送別

朱文治

欲別先銷未別魂，故人情味最溫存。
何期客裏酬詩卷，幾度花前共酒尊。
藥餌能醫腰腳健，鬢絲愁見雪霜痕。
瀟瀟暮雨西窗下，剪燭難邀對榻論。
時古芸欲遷移寓不果

碧蘿吟館唱和詩詞

焉

陰霾人嬾似蠶眠，半月空教月上弦。
紅鯉浮沈思舊夢，白駒維繫爲高賢。
懷歸君自同張翰，遊戲吾仍學冷仙。
老去不如行樂好，古來著述幾家傳。

劉藜閣明府枉過寓齋畫團扇贈之并題

馬錦

安排几榻寓城東，讀畫論詩兩月中。
得見此邦賢令尹，琴堂晝暖拂仁風。

古芸舍人將歸海昌作詩送之

黃灝

只同唱和不同杯，老去難勝醉綠醅。
知已莫如文字貴，談詩又感別離催。
孔融好客千秋慕，平子歸田百慮灰。

此日相招惟善路望君鄉律助春回

此卹發會
求助意也

君來正值百花香君去林間梅漸黃歲序真如過隙影
人生難得少年場及時力好培仙果濟世功先有熱腸
我學頭陀權托鉢洞天福地此津梁

邀少僊學博古芸舍人小飲不日各將賦別作此

送之

錢青選 廉堂

小小花亭與竹坡畱題忽爾遍嘉禾纔經兩月文人住
一箇東園便不磨

賀監橋邊綠影遮高軒偶駐野人家此間風景秋殊好
敢屈重來就菊花

碧蘿吟館唱和詩詞

畫

劉藜閣明府同年見訪作此贈之 朱文治

一別十餘載滿頭華髮生官清宜大邑水秀稱循聲投
刺我何懶飲醇君有情

承以佳
釀見餉

東園重話舊無負野鷗

盟

時將東歸畱別古芸

朱文治

退歸羅壁作山人猿鶴煙霞日日親兩浙分程兼水陸
連年相訪仗精神不期樵李成高會祇賸揚州未了因

張都轉有
約不能踐

此別臨行還切訂望君善養臥雲身

次韻送少僊師歸姚江

馬錦

臨別依依戀故人一春聚首快相親重將文字聯知己

敢說煙雲妙入神，白髮猶然誇老健。
青燈無那悔前因，從今我又嗟離索。
塵海茫茫，臞此身。

留別東園

朱文治

借得東園住，春歸客尙留。
催詩紅燭短，久雨綠陰稠。
花放自然笑，石靈能點頭。
雪泥誰認此，他日訂重遊。

次韻留別東園

馬錦

昔非觴詠地，難得此勾留。
僻巷人聲少，鄰牆樹影稠。
一時同判袂，臨別屢回頭。
花木須珍護，重來續勝遊。

